



UNIVERSITÄTS-  
BIBLIOTHEK  
PADERBORN

## **Corpus Juris Canonici**

**Gregor <XIII., Papst>**

**Coloniae Munatianæ, 1665**

De Voto, Et Voti Redemptione. Titvlvs VI.

---

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

DE VOTO, ET VOTI REDEMPTIONE. TITVLVS VI.

Votum per susceptionem sacri ordinis solemnizatum, licet impediat matrimonium sequens, non tamen procedens: etiamsi nondum esset per carnem copulam consummatum. Et durante matrimonio, etiam nondum consummato, nullus presumat accipere aliquem de sacri ordinis: quod si fecerit, dissoluto etiam matrimonio; nec in illo ministrare, nec ad superiores ascendere poterit: nisi aliquam de religionibus approbati ingredatur, & eju regulam expresse, vel tacite profiteatur. Est autem talis conjugatus sic ordinatus per diocesana monendus, ut religionem ingredatur, si matrimonium nondum est consummatum: quod si renuerit, & uxor in fuerit, compellitur per excommunicationem ad matrimonii consummationem. hoc dicit. Et est casus notabilis, & qui fatu effert non posset.

CAP. VNIC.

Antiqua concertationi finem cupientes imponere, ac animarum periculis inde provenientius salubriter providere, de fratrum nostrorum consilio presentem declaramus edicto, quod licet votum solemnizatum per sacri susceptionem ordinis, quantum ad impediendum matrimonium contrahendum, ac ad dirimendum, si post contractum fuerit, secundum statuta canonum sit ellicax reputandum: ad dissolvendum tamen prius contractum, etiam si per carnem copulam non fuerit consummatum, quibus nec iure divino, nec per sacrosanctos canones hoc statutum invalidum est censendum: auctoritate Apostolica districtius inhiibentes, ne quipiam durante matrimonio, nondum etiam consummato, aliquem de sacri ordinibus presumat suscipere, nisi prout sacris canonibus noverit convenire. Quod si fecerit a quoquam forsitan attentatum fuerit, ordinamus, quod nec matrimonio soluto in sic suscepto ordine ministrare, nec ad superiores ordines provehi, nec ad aliquod beneficium vel officium ecclesiasticum valeat promoveri. Nisi aliquam de religionibus approbatis (quarum professio ad castitatis custodiam, & abdicationem temporalium, & sui superioris obedientiam suos professores attingat) ipsam canonicè contingerit ingredi, ac eju regulam expresse vel tacite profiteri: quo casu diocesanus super pramissis, & singulis pramissorum cum eo dispensare valeat, nisi sit aliud canonicum, quod obstat. Ad ingressum huiusmodi sic ordinatum (si matrimonium consummatum non fuerit) per diocesanaum instanter moneri precipimus, & induci: quod si forsitan renuerit adimplere, ipsam (si sponsa ejus in fuerit) per censuram ecclesiasticam compellendum decernimus contractum matrimonium consummare. Nulli, &c. nostram declarationis, inhibitionis, ordinationis, precepti, & constitutionis infringere. Datum Avinionis Calend. Decemb. Anno septimo.

DE RELIGIOSIS DOMIBVS. TITVLVS VII.

Secta & religio fratricellorum, sive beguinarum, qui se dicebant de tertio ordine beati Francisci, cassatur: quoniam inter ceteros errores ecclesiastica sacramenta dispicebant. Et sub pena excommunicationis omnibus inungitur, ut nulli de cetero talem ritum assument: & ne Episcopi ipsum concedere presument. Vide cas. sin. cod. tit. in antiq. & c. eod. tit. l. 6.

CAP. VNICVM.

Sancita a Romana atque universalis ecclesia, cui auctore Domino, licet immeriti, prefidemus, sicut religiosa & pia vota benigno favore prosequitur.

a De Beguinarum secta & erroribus, vide Guidonem Carmelitam in summa de heresibus, tit. de heresibus Beguinarum, & Nicolaum Eymericum in directorio inquisitionum par. 2. q. 15.

sic superstitiosos conatus insolentium hominum a deestatu, videlicet ne sub ovina pelle gregem dominicum truculentia lupi rapacis invadat, sub pietatis imagine vitu heretica pravitate obrepit. & sub pretextu conversationis angelica incautis mentibus spiritus malignus illudat: cujus rei gratia sacris canonibus est interdictum, ne aliquis novum ordinem aut religionem inveniat, vel habitum nove religionis assumat: sed quicumque ad religionem venire voluerit, ingredatur unam de religionibus approbatis. Nonnulli tamen profane multitudinis viri, qui vulgariter Fratricelli, seu fratres de paupere vita, Bizochi sive Beguini, vel aliis nominibus nuncupantur in partibus Italiæ, necnon in insula Siciliæ, comitatu Provincia Narbon. & Tholosanen. civitatibus, & diocesis, & Provinciis, aliisque diversis circummarinis & ultramarinis partibus, contradictos canones habitum nove religionis assumere, congregationes & conventicula facere, & superiores sibi ipsi eligere, quos ministros seu custodes vel guardianos aut nominibus aliis appellant: plurimos ad eorum sectam recipere & loca de novo construere seu constructa recipere, in quibus habitant in communi, publice mendicare (quasi eorum secta foret una de religionibus per sedem Apostolicam approbatis) temeritate damnabili presumpserunt, & presumunt etiam incessanter. Et ut ipsorum error veritas, & impietas religio reputetur, plurimi eorum regulam seu ordinem fratrum minorum, quem sanctus Franciscus instituit, se profiteri & ad literam conservare coningunt: quamquam in obedientia generalis, vel provincialium ministrorum ipsius ordinis non morentur: pretendentes se a sanctæ memoriæ Celestino Papa quinto predecessore nostro hujus status seu vitæ privilegium habuisse: quod tamen etiam ostenderent, non valerent. cum bonæ memoriæ Bonifacius Papa octavus predecessor noster, ex certis causis rationabilibus omnia ab ipso Celestino predecessore nostro concessa, quæ per ipsum Bonifacium non contingeret approbari, viribus penitus vacuaverit, dictumque vitæ privilegium non inveniatur per eundem Bonifacium approbatum. Quidam autem eorum dictum habitum, & vivendum ritum a quibusdam Episcopis seu eorum superioribus, vel aliis ecclesiarum prelatibus habuisse profiterentur, quos nec eis concedere licuit contra formam concilii generalis. Nonnulli etiam ex ipsi afferentes se esse de tertio ordine beati Francisci, poenitentium vocato, prædictum statum & ritum eorum sub velamine talis nomine satagunt palliare: cum tamen in regula ipsius tertii ordinis talis vivendi ritus nullatenus sit concessus. Et quia in errorum baratrum facilliter ruunt, qui conceptus proprios patrum definitionibus anteponunt, ipsorum quam plurimi (sicut fide digna relatione perceperimus) a veritate catholice fidei deviantes ecclesiastica sacramenta despiciunt, ac errores alios student multipliciter seminare. Cum itaque talium damnanda temeritas in ejusdem fidei detrimentum, fidelium scandalum, præfati minorum & aliorum ordinum opprobrium, & etiam suarum & aliarum animarum perniciem redundare noscatur: sectam, ritum, & statum huiusmodi, non obstantibus præmissis eorum excusationibus, quas frivolas reputamus, & quequid per eos communiter vel divisim sub religionis, conventus, collegii seu congregationis nomine vel colore attentatum extitit, vel existit, de fratrum ipsorum consilio auctoritate Apostolica nullius fuisse & esse decernimus firmitatis: & quatenus de facto processerunt de consilio, & auctoritate præmissis revocamus omnino, ac perpetuè prohibitioni subijcimus, & ab ecclesia Dei penitus abolemus. Eisdem personis & aliis quibuscumque

a Vide l. qui sub conditione, ff. de condi. instit. l. non erit. §. de vno. ff. de iurejur.

